



ზოგადსაგანმანათლებლო
დანესახულებების ავტორიზაციის საბჭო

23/04/2025



MES 7 25 0000435274

გადაწყვეტილება

**ზოგადსაგანმანათლებლო დაწესებულებების ავტორიზაციის საბჭოს 2023 წლის 18 ოქტომბრის
N1396138 ოქმის მე-6 ნაწილში ცვლილების შეტანის შესახებ**

ზოგადსაგანმანათლებლო დაწესებულებების ავტორიზაციის საბჭოს სხდომაზე გამოვლენილი გარემოებების შესწავლის, შეფასებისა და ურთიერთშეჯერების შედეგად, საქართველოს ზოგადი ადმინისტრაციული კოდექსის 63-ე მუხლის პირველი პუნქტის საფუძველზე,

საბჭომ გადაწყვიტა:

1.შევიდეს ცვლილება ზოგადსაგანმანათლებლო დაწესებულებების ავტორიზაციის საბჭოს 2023 წლის 18 ოქტომბრის N1396138 ოქმის მე-6 ნაწილში და ჩამოყალიბდეს შემდეგნაირად:

„6. სსიპ - ქალაქ ზესტაფონის N1 საჯარო სკოლის ავტორიზაციის საკითხის განხილვა

საბჭოს თავმჯდომარემ, დავით მალაზონიამ, დაწესებულებების წარმომადგენლებს მიმართა, ხომ არ ჰქონდათ საბჭოს წევრების მიმართ აცილება. დაწესებულების წარმომადგენლებმა დაადასტურეს, რომ საბჭოს წევრების მიმართ აცილება არ ჰქონდათ. საბჭოს წევრმა, მაკა მამფორიამ, განაცხადა თვითაც ილება სსიპ - ქალაქ ზესტაფონის N1 საჯარო სკოლის ავტორიზაციის საკითხის განხილვასთან მიმართებით, ვინაიდან საბჭოს წევრი ჩართული იყო

სკოლის შიდა მხარდამჭერ ჯგუფში. საბჭოს წევრებმა გაიზიარეს აღნიშნული შუამდგომლობა. საბჭოს თავმჯდომარემ მიმართა საბჭოს წევრებს, დაედასტურებინათ, რომ იცნობდნენ ავტორიზაციის ექსპერტთა ჯგუფის დასკვნას და დაწესებულების მიერ წარმოდგენილ არგუმენტირებულ პოზიციას დასკვნის პროექტთან მიმართებით. საბჭოს წევრებმა დაადასტურეს, რომ იცნობდნენ საქმის მასალებს. საბჭოს თავმჯდომარემ ჰკითხა დაინტერესებული მხარის წარმომადგენელს იცნობდა თუ არა ავტორიზაციის ექსპერტთა ჯგუფის დასკვნას. წარმომადგენელმა დაადასტურა, რომ იცნობდა დასკვნას. შესაბამისად, საბჭოს თავმჯდომარემ საბჭოს მდივანს სთხოვა, რომ ექსპერტთა ჯგუფის დასკვნა დაერთო ოქმისთვის, როგორც მისი განუყოფელი ნაწილი.

ექსპერტთა ჯგუფის დასკვნა საბჭოს სხდომაზე წარადგინა ექსპერტთა ჯგუფის თავმჯდომარემ, ვერა ყურულაშვილმა. მან განაცხადა, რომ სსიპ - ქალაქ ზესტაფონის N1 საჯარო სკოლაში საავტორიზაციო ვიზიტი განხორციელდა 2023 წლის 24 და 25 ივლისს. ექსპერტმა აღნიშნა, რომ სკოლა მდებარეობდა ქალაქ ზესტაფონში, რევაზ ლაღიძის ქუჩა N38-ში. დაწესებულებას სურდა

ზოგადი განათლების დაწყებითი, საბაზო და საშუალო ზოგადსაგანმანათლებლო პროგრამების განხორციელება, ქართულ ენაზე. ზოგადსაგანმანათლებლო დაწესებულებების სტატუსის მადიებლის თვითშეფასებაში მოთხოვნილი მოსწავლეთა ადგილების ზღვრული რაოდენობა იყო 600. ექსპერტთა ჯგუფი ეთანხმებოდა მოთხოვნილ რაოდენობას.

ექსპერტის განაცხადებით, ექსპერტთა ჯგუფმა შეისწავლა სკოლის მიერ წარმოდგენილი დოკუმენტაცია, განხორციელდა ადგილზე დათვალიერება, ინტერვიუები, გამოიკვეთა რიგი საჭიროებები და ექსპერტებმა დარღვევად მიიჩნიეს რამდენიმე კომპონენტი, რომლებიც სკოლის მიერ შესაბამისობის უზრუნველყოფის გეგმის წარმოდგენის შემდეგ შემდეგნაირად შეფასდა:

პირველი სტანდარტი, სკოლის ფილოსოფია, შეფასდა როგორც სტანდარტთან შესაბამისი, ვინაიდან ორივე კომპონენტი 1.1- სკოლის მისია ხედვა და ღირებულებები და კომპონენტი 1.2 - სკოლის დაგეგმვა და განვითარება, ექსპერტთა ჯგუფის მიერ შეფასდა სტანდარტთან სრული შესაბამისობით.

რაც შეეხება მესამე სტანდარტს - სასწავლო პროცესის ადმინისტრაციული და ინფრასტრუქტურული მხარდაჭერა - შეფასდა, როგორც ნაწილობრივ შესაბამისი. ხოლო თითოეული კომპონენტის შეფასება გადანაწილდა შემდეგნაირად: 3.1. პერსონალის მართვა - მეტწილად შეესაბამება; 3.2. პერსონალის განვითარება - შეესაბამება; 3.3. პროცესის მართვა - შეესაბამება; 3.4. ადამიანებისა და პროცესების უსაფრთხოება-მეტწილად შეესაბამება; 3.5. მატერიალური რესურსები და ინფრასტრუქტურა - შეესაბამება; 3.6. საინფორმაციო რესურსები - მეტწილად შეესაბამება და 3.7. ფინანსური რესურსები შეესაბამება. ექსპერტის განცხადებით, ასევე, სრულ შესაბამისობაში იყო მეოთხე სტანდარტის, მოსწავლეთა მხარდაჭერა ,ორივე კომპონენტი, 4.1-მოსწავლეთა უფლებების დაცვა და 4.2 მოსწავლეთა მხარდაჭერის ღონისძიებები.

ექსპერტის განმარტებით, მეორე სტანდარტი სასკოლო კურიკულუმი შეფასდა, როგორც „შესაბამისი“ ვინაიდან სტანდარტის ოთხივე კომპონენტი, 2.1-კურიკულუმის შემუშავება; 2.2-კურიკულუმის განხორციელება; 2.3-კურიკულუმის მონიტორინგი; 2.4-ადამიანებისა და პროცესების უსაფრთხოება ექსპერტთა ჯგუფმა შეაფასა, როგორც „სრულად შესაბამისი“.

ექსპერტმა აღნიშნა, რომ თითოეულ ინდიკატორთან დაკავშირებით, რომელიც შეფასდა მეტწილად, ექსპერტთა ჯგუფის მიერ დაწესებულებისათვის გაცემული იყო რეკომენდაციები სტანდარტთან შესაბამისობის უზრუნველყოფის გეგმაში გაწერილი ვადების მიხედვით, რომელიც აღწერილი იყო ზოგადსაგანმანათლებლო დაწესებულებების ავტორიზაციის ექსპერტთა ჯგუფის დასკვნაში.

ექსპერტმა, ვერა ყურულაშვილმა აღნიშნა, რომ დაწესებულება საგანმანათლებლო საქმიანობას ახორციელებდა ორ შენობაში, რომლებიც ერთმანეთთან იყო დაკავშირებული გადასასვლელი ხიდით. სკოლას ჰქონდა ფართო და ნათელი დერეფნები, საჭირო ინვენტარით აღჭურვილი ბიბლიოთეკა, ლაბორატორია, ექიმის კაბინეტი და საპირფარეშოები. ექსპერტის განცხადებით

სკოლა იყო სრულად ადაპტირებული. ამასთანავე სკოლას ჰყავდა შეკრული, თანამშრომლობითი გუნდი.

საბჭოს თავმჯდომარემ კითხვით მიმართა საბჭოს წევრებს, ხომ არ ჰქონდათ შეკითხვები ექსპერტებთან ან სკოლის წარმომადგენლებთან.

საბჭოს წევრი, ეკატერინე კვირიკაშვილი დაინტერესდა შენობა-ნაგებობის სახანძრო უსაფრთხოების საკითხთან დაკავშირებით, რა ნაბიჯები ჰქონდა სკოლას გადადგმული.

სკოლის დირექტორმა, ნონა გორგოძემ, განაცხადა რომ სკოლაში 25 ივლისს ვიზიტის პერიოდში იმყოფებოდნენ სახანძრო უსაფრთხოების სამსახურის წარმომადგენლები და შეაფასეს სკოლის სახანძრო უსაფრთხოების მდგომარეობა, რაზეც მიმდინარე წლის 01 აგვისტოს მიღებულ იქნა აქტი სკოლის მიერ შესასრულებელი რეკომენდაციების თაობაზე .

კენჭისყრის შედეგები:

მომხრე - 11

წინააღმდეგი - 0

გადაწყვეტილება:

„განათლების ხარისხის განვითარების შესახებ“ საქართველოს კანონის მე-11 მუხლის მე-2 პუნქტის „ა“ ქვეპუნქტის, მე-12 მუხლის, საქართველოს განათლებისა და მეცნიერების მინისტრის 2010 წლის 1 ოქტომბრის N99/ნ ბრძანებით დამტკიცებული „საგანმანათლებლო დაწესებულებების ავტორიზაციის დებულების“ მე-20 მუხლის პირველი პუნქტის „ა“ ქვეპუნქტის, მე-2 და მე-4 პუნქტებისა და 21-ე მუხლის პირველი, მე-2, მე-2¹ და მე-3 პუნქტების შესაბამისად სსიპ - ქალაქ ზესტაფონის N1 საჯარო სკოლას (ს/კ: 230053535) 9 წლის ვადით მიენიჭოს ზოგადსაგანმანათლებლო დაწესებულების სტატუსი და მოსწავლეთა ადგილების ზღვრული რაოდენობა განესაზღვროს 600 - ით.

დაწესებულებას მიენიჭოს უფლებამოსილება განახორციელოს შემდეგი ზოგადსაგანმანათლებლო პროგრამები:

N	ზოგადსაგანმანათლებლო პროგრამის სახელწოდება	ზოგადსაგანმანათლებლო პროგრამის საფეხური	ზოგადსაგანმანათლებლო პროგრამის განხორციელების ენა	ზოგადსაგანმანათლებლო პროგრამის განხორციელების ადგილი (მუნიციპალიტეტის, ქალაქის, დაბის/სოფლის და ქუჩის მითითებით)
1	ზოგადი განათლების დაწყებითი საფეხურის ზოგადსაგანმანათლებლო პროგრამა	დაწყებითი	ქართული	ქალაქ ზესტაფონი, რევაზ ლალიძის ქუჩა N38
2	ზოგადი განათლების საბაზო საფეხურის ზოგადსაგანმანათლებლო პროგრამა	საბაზო	ქართული	ქალაქ ზესტაფონი, რევაზ ლალიძის ქუჩა N38
3	ზოგადი განათლების საშუალო საფეხურის ზოგადსაგანმანათლებლო პროგრამა	საშუალო	ქართული	ქალაქ ზესტაფონი, რევაზ ლალიძის ქუჩა N38

საბჭოს გადაწყვეტილებით სკოლას განესაზღვრა რეკომენდაცია, რომ 2027 წლის აპრილში წარმოადგინოს ცენტრში მესამე სტანდარტის 3.1 და 3.4 კომპონენტის დაკმაყოფილების დამადასტურებელი დოკუმენტები, კერძოდ:

- ცნობები უფლებების ჩამორთმევის შესახებ და სქესობრივი თავისუფლებისა და ხელშეუხებლობის წინააღმდეგ მიმართული დანაშაულის ჩადენისთვის და სასამართლოების შესახებ;
- საგანგებო სიტუაციების მართვის გეგმა შეთანხმებული შესაბამის უწყებასთან;
- დასკვნა შენობა-ნაგებობების სახანძრო უსაფრთხოების შესახებ.“

2. ზოგადსაგანმანათლებლო დაწესებულებების ავტორიზაციის საბჭოს 2025 წლის 22 აპრილის N431707 სხდომის ოქმის მესამე ნაწილი ცნობილ იქნას ამ გადაწყვეტილების განუყოფელ ნაწილად.

3. ზოგადსაგანმანათლებლო დაწესებულებების ავტორიზაციის საბჭოს გადაწყვეტილების გასაჩივრება შესაძლებელია კანონმდებლობით დადგენილი წესით და ვადაში, სააპელაციო საჩივრის სააპელაციო საბჭოში წარდგენის გზით (შემდეგ მისამართზე: ქ. თბილისი, მ. ალექსიძის ქ. მეორე შესახვევი №2) ან ქ. თბილისის საქალაქო სასამართლოს ადმინისტრაციულ საქმეთა კოლეგიაში სარჩელის შეტანის გზით (შემდეგ მისამართზე: დავით აღმაშენებლის ხეივანი, N64).

სსიპ-განათლების ხარისხის განვითარების ეროვნული
ცენტრი
ზოგადსაგანმანათლებლო დაწესებულებების
ავტორიზაციის საბჭო
საბჭოს მდივანი
ბერიკაშვილი ნინო

ნ. ბერიკაშვილი

სსიპ-განათლების ხარისხის განვითარების ეროვნული
ცენტრი
ზოგადსაგანმანათლებლო დაწესებულებების
ავტორიზაციის საბჭო
საბჭოს თავმჯდომარე
წიფურია ეკატერინე

ე. წიფურია

